

Aalisarnermut Piniarnermullu Naalakkersuisoq
P.O. Box 1015
3900 Nuuk

Qaqortoq, 23. Januar 2025

2025-imut tunngatillugu kujataani arnarlunniarnissamut NAPP-p, QAPP-p aamma NAPP-p akissutaat:

Matumuuna kujataani (Narsaq, Qaqortoq aamma Nanortalik) aalisartut piniartullu peqatigiiffisa qulaani allassimasumut tunngatillugu akissutaat nassiupparput.

Pisassat 152 tonsimiit (2024) 136 tonsimut (2025) appartinneqarnerat peqatigiiffinninngaanniit akuerisinnaangilluinnarparput, makkua pequtugalugit:

- A. Siorna sikorsuaqarujussuarneranik pissuteqartumik kujataani pisassat tamakkerneqarsimangillat. Killormut ukioq manna ikinnerpaamik 200 tonsinik maani kujataani pisassaqartinneqarusuppugut.
- B. Pinngortitaleriffik immikkut kujataani nipisaqassutsimik misissuinikuunngilaq, taamaammallu tunngavissaqarnani kujataani pisassanik annikilliliinissaminnik. Kissaatigaarput aatsaat Pinngortitaleriffik misissuereerpat, tunngaviliisinnaangorlunilu pisassat allangortinneqarnissaanut aatsaat pisassat annikillisinneqarsinnaassasut.
- C. Aalisartut aatsaat aalisartutut inuussutissarsiuteqalerlutik aallarteqqaarnerminniit ukiuni siullerni pingasuni nipisanniaqqusaannginnerat akuersaarsinnaanngilarput. Tamanna inuusuttunik aalisartutut inuussutissarsiuteqarnermik aallartikkusuttunut aporfissatut annertuutut isigigatsigu. Ingammik eqqarsaatigigaanni aamma inatsit 2030-ip taamatuttaaq aamma akuerisinnaanngilarput inuusuttut 29-leereersimasut aalisarnermik inuussutissarsiuteqarlutik aallartittut qaleralinniarsinnaanngitsitaanerat.
- D. Kujataani arnarlunnik pisassagut annikillisinniarneqarneri taamaallaak 136 tonsimut, siornamullu pisassaasimasut 16 tonsinik ikilisinneqarneri, taakkualu avannaanut aalisagaqarflluartunut nuunneqarneri akuerisinnaanngilarput. Paasisinnaanngilarput kujataani illoqarfiit pingasuusut nunaqarfiillu arlalippassuit aamma umiatsiaararsorfiusut taakkua pilliuteqassasut. Assersuutiginnarsinnaavarput Paamiut Arsullu kujataani illoqarfinit pigasuusuni nunaqarfippaaloqartunilu ikinnerujussuaranik umiatsiaararsorlutik aalisartoqarput, tamannalu taakkua pisassaqartinneqarnerunerat paasisinnaanngilluinnarparput.
- E. Ukiuni kingullerni arlalinni kujataani arnarlunniarnerit tassanngaannartumik ullunĳ suli arnarlunniarfiusussaagaluaani unitseriataarneqartarsimapput. Tamanna pisassat tamakkerlugit pisarineqanngitsoorneqartannginnerannik kinguneqartarsimavoq. Tamanna paasisinnaanaguli akuerisinnaanngilarput.

Sendt

27 JAN. 2025

Aalisarnermut Piniarnermullu Naalakkersuisoq
P.O. Box 1015
3900 Nuuk

Sullissivik

- F. Pisarnertut piffissaq kingulleq atorlugu tusarniaavigineqarpugut, tamannalu aamma akuersaanngilarput. Uagut aamma inuussutissarsiuterput samminiaratsigik pilersaaruteqarlutalu allatuulli. Aamma uagut aalajangiinnertut taamak ittunut akuutinneqartannginnertut isigaarput, akuerisinnaanngilarpulli.

Akissutissarsi qilanaarluta utaqqissavarput, ukiuni makkunani maani kujataani aalisarnikkut ilungersunartorsiorfiusuni.

Inussiarnersumik inuulluaqqusilluta,


Sinn. 24.01.25

NAPP


Ole J. Davidsen,
Siulittaasoq


Ulloq

QAPP


Jens P. Kielsen,
Siulittaasoq


Ulloq 24-01-25

NAPP


Thor Eugenius
Siulittaasoq


Ulloq

Kommune Kujalleq
Bormesteri


Stine Egede

24/1-25
Ulloq

Kommune Kujallermi
Aalisartunut/Piniartunut
Siunnersorti


Claus E. Jensen

Ulloq 24/1-25

Innovation South Greenland
Aalisartunut/Piniartunut
Siunnersorti


Erik Kielsen

24/1-25
Ulloq